

Baiona organiza a primeira Gala do Deporte baionés

Escrito por VM

Mércores, 11 Xaneiro 2012 12:30



O Concello de Baiona organiza a **I Gala do Deporte**, unha iniciativa das Concellerías de Deportes e de Actividades Marítimas, coa finalidade de recoñecer os méritos dos deportistas baioneses, das institucións públicas que apoian o deporte local e o das entidades privadas que co seu xesto solidario e económico, patrocinan e promoven as actividades deportivas da Real Vila.

O Auditorio V Centenario de Baiona será o marco no que se celebrará o vindeiro sábado 14 de xaneiro a gran gala, unha cita que dará comezo ao sete e media da tarde, con entrada libre até completar aforamento.

A Concellaría de Deportes e Actividades Marítimas deseñou unha Gala do Deporte na que tomaron parte todas as entidades e colectivos sociais de Baiona que, de maneira anónima, emitiron os seus votos, destinados a seleccionar, entre diversos apartados e categorías, aos premiados e premiadas nesta I Gala.

Desta maneira púidose confeccionar a listaxe de nomeados e nomeadas, sendo candidatas as seguintes propostas:

Mellores Deportistas Masculino e Feminino

Baiona organiza a primeira Gala do Deporte baionés

Escrito por VM

Mércores, 11 Xaneiro 2012 12:30

Mellor Deportista Masculino, Ángel Goce (motociclismo), Antonio Liébanas (atletismo e remo), Iñaki López e Mario Fontán (ambos en piragüismo). Na categoría Feminina as nomeadas son Eva Vilar (tenis), Patricia Pereira e Carmen Rodríguez (ambas as en atletismo).

Mellores Deportistas Base Masculino e Feminino

Como Mellor Deportista de Base Masculino optan ao galardón, Óscar Míguez e Pablo Fernández (ambos en fútbol), José Luís Vilar (karting), Cristian Cabral e Omar Rodríguez (ambos en loita olímpica). Na categoría Feminina o son Laura da Igrexa (trial), Mireya Represa (xadrez) e Marta Canella (baloncesto).

Mellor Patrocinador

Os nomeamentos a Mellor Patrocinador recaeron na Asociación de Comerciantes e Empresarios de Baiona (ACEBA), no espazo hostaleiro Vila Rosa, na distribuidora de firmas e marcas náuticas Baitra, na Consultora e Xestora Sanitaria Cogesa, e en Paradores de Turismo de España.

Mellor Club/Xunta Directiva

No apartado de Mellor Club/Xunta Directiva os votantes elixiron como finalistas ao Club Baloncesto Baiona, á Pena Moteiros Val Miñor, ao Erizana Club de Fútbol, e ao Monte Real Club de lates de Bayona.

Mellor Entidade Pública

Como Mellor Entidade Pública figuran o propio Concello de Baiona, a Deputación de Pontevedra e a Xunta de Galicia, a través da Secretaría Xeral para o Deporte.

Mellor Evento Deportivo

No apartado de Mellor Evento Deportivo son candidatos o Campionato Galego de Trial, a carreira en ruta Vig-Bay, a proba popular Andar e Correr, e o Trofeo Príncipe de Asturias-Gran Premio Novacaixagalicia de Vela.

Os premiados e premiadas serán desvelados durante o transcurso da I Gala do Deporte de Baiona, cuxos nomes permanecen ocultos baixo as plicas que serán abertas o vindeiro sábado.

Mencións especiais

Ao mesmo tempo o Concello de Baiona, a través das Concellerías de Deportes e Actividades Marítimas, quere recoñecer o esforzo de determinadas persoas que, ao longo destes anos, potenciaron a actividade deportiva da vila, grazas ao respaldo das institucións que representan ou das que eran os seus portavoces.

Jorge Santos, que foi Responsable de Patrocinios e Eventos Institucionais de Novacaixagalicia. Grazas á súa intervención a gran caixa galega adquiriu especial protagonismo na creación de eventos deportivos como o Torneo de Minibasket, ou o mecenado e colaboración en probas como a proba en ruta Vig-Bay, Andar e Correr, Campionatos de España e Mundiais de Trial, entre moitos outros.

María Troncoso, Responsable de Mercadotecnia de Begano S.A. "Coca Cola", unha das sólidas presenza en calquera actividade deportiva de Baiona. Desde o seu departamento dirixe unha das loxísticas de servizo ao deportista máis importante en toda proba deportiva, imaxe convertida ao longo dos anos nun dos símbolos de maior eficacia identificativa co produto de marca.

Miguel Pérez, que foi Concelleiro de Deportes de Baiona, unha das persoas que, desde o seu departamento municipal, foi precursor no impulso da actividade deportiva da Real Vila,

Baiona organiza a primeira Gala do Deporte baionés

Escrito por VM

Mércores, 11 Xaneiro 2012 12:30

incentivado polo seu amor ao deporte e ao da súa promoción entre os baioneses e baionesas, prestando especial atención aos máis pequenos.

Jorge Maciel, deportista mundialmente recoñecido polos seus éxitos sobre a táboa a vela ou Windsurf. Até hai moi poucos anos foi o único galego que estivo presente en dúas olimpíadas, a de Atlanta, en Estados Unidos, en 1996, e a de Sidney, en Australia, en 2000. Maciel é un das iconas deportivas da vila de Baiona.